



ԼԵՐ ԿԱՄՏԱՐ

Սկիզբն է երկանց

Այն առտուն, երբ Ֆրանսիա Չենովա կերթար, սպասուհին ալ նկատեց, որ սրտովը չէր: Թեյի գավաթը ձեռքին, մտազբաղ հայացքը ուր որ սևեռեր, կես ժամ կտներ մինչև թարթելը: Խեղճ սպասուհին մագ մնաց, խոստովաներ իր հանցանքը ու տիրոջ ոտներն իյնար, վասնզի շաքար կոտրելուն քանի մը կտոր գրպանն էր դրեր ու հակառակի պես ալ քառորդե մը ավելի նայվածքն այդ գրպանին էր ուղղեր . . . Կուտեր առանց առջևը նայելու . . . երկու անգամ թեյի գավաթին փոխարեն աղամանը դրավ բերնին ու մորուքը սրբելու համար՝ վերցուց փոքր ազգության մը վերաբերող փաստաթուղթ, որ դուրսեն ուղարկված էր իրեն ստորագրելու:

-Չի ուզեր, թող չերթա, խոմ մեզ նման ծառա չէ՞, որ իր չուգածն ընե,-կմտմտար սպասուհին ինքնիրեն, որը չգիտեր, թե ո՞ր կերթա աղան, և այն կարծիքն ուներ, որ աղաները առհասարակ արտոնված են չուգածնին չընելու:

Մեղանեն կենալով, ճամպրուկը վերցուց, պահարանին մոտեցավ դարձյալ նույն անուշադրությամբ, ինչ ձեռքն ինկավ՝ մեջը խոթեց՝ խաղաթուղթ, թաշկինակներ և գույգ մը ապարանջան, որ երեկ պիտի դրկեր սիրուհուն ու մոռցեր էր:

-Իցիվ թե ալ չվերադառնա,-ակամա մտածեց սպասուհին, երբ ճամփու դնելեն վերջ տիրոջ սենյակը կդառնար: Կյանքին մեջ առաջին անգամն ըլլալով, ազատության մեջ՝ բարձր հագաց: Ու շատ քաղցր թվեցավ այդ հագն իր ականջներուն: Մեծ կուզեն ազատության մեջ թոքախտ ըլլամք:

Հագին վրա խոհարարը, որ հասկցավ, թե աղան տունը չէ, սենյակը վազեց իր կեղտոտ վերարկուով փարվեցավ սպասուհուն ու սկսեց համբուրել: Ուրիշ անգամ ալ համբուրեր էր, բայց համբույրը ազատության մեջ ուրիշ բան ըսել էր: Միրո անհուն թափը մեղմելն գկնի, խոհարարը սկսեց սենյակին ծակ ու ծուկը խառնել, իսկ սպասուհին սեղանը կպեղեր:

-Ի՞նչ եղավ թուղթս,-հարցուց պզտիկ ազգ մը գլուխը ներս խոթելով,-ստորագրե՞ց:

-Ո՛չ, եղբայրս, մորուքը սրբեց դրավ վար:

-Մո՞րուքը ըսիր . . . իսկ ազգիս գոյությունը ատ թուղթն էր կախված,-ըսավ, մոլտաց . եթե մեծ ազգ ըլլար՝ պիտի բարկանար, բայց որովհետև պզտիկ էր՝ լացավ,- տուր Անգլիային տանն,- ըսավ:

Ֆրանսիո սպասուհին ծանոթ չէր, եթե ոչ պիտի զգուշացներ Անգլիո սեղանին չղնել, ինչու որ շաբթն մը ի վեր հարբուխ էր ու առվակի պես կվազեր քթն:

- Ի՞նչ ընենք,- հարցուց սպասուհին խոհարարին, որուն անունը չեմ գիտեր, բայց ըստ երևույթին Ժակ պիտի ըլլար:

-Գնա կանչե հոս Եվրոպիո բոլոր սպասավորներն ու սպասուհիք, երեկվնե քիչ մը փիլավ է ավելացեր, կուտենք կուրախանանք: Տերերեն ոչ մեկը տունը չէ: Ջենովա են գացեր:

Գնաց: Սաբեթը, Անգլիո աղախինը, ամանները բերեր էր Լա-Մանշ լվանալու: Եկավ, բայց աչքը մնաց տան կողմ, կվախնար Իռլանդիան պատուհանն մտներ ազատություն գողնալու: Հոլանդիայի սպասուհին գալով, մատանի դռան վրա կողպեք դրավ: Վիլհելմ կայսրը, Գերմանիայի այդ անկոչ հյուրը, կըսե, կմտնե ծախու պանիրը կուտե:

Գերմանիո աղախինը նստեր էր հիվանդ երեխայի օրորանին առնթեր կուլար ու իր շապիկը կկարկատեր: Ժակը այս վիճակով ավելորդ համարեց կանչել, կարոտով անոր պարանոցին փաթթվեցավ ու միասին լացին:

-Եղբայրդ սպանեց ասոր հորը,-հագիվ կրցավ ըսել գերմանուհին արտասվաց ընդմեջեն, կշտամբել ուզելով:

-Այո, բայց անհկա ալ ողջ չէ հիմա,-ըսավ Ժակը ու արցունքի մնացած կաթիլներն ալ սեփական կորուստին վրա հոսեցուց:

Այնուհետև բաժանվելուն՝ բան մը Գերմանիո աղախինը քրթնջաց իր տիրոջ հասցեին, բան մըն ալ Ժակն իր տիրոջ: Ժակ Ավստրիո այգիով անցավ Իսպանիա, որուն աղախինը ներսեն դուռը կողպեր էր՝ կխոմփար: Փորթուգալիո մանկամարդ աղախինը (քիչ մը թեթև) քրքջաց ու վագեց:

Երբ Ժակն տուն դարձավ, Ֆրանսիո աղախինը փառավոր սեղան էր բացեր, փիլավին վրա կար նաև խորոված միս, որը թերեփ ըլլալով, Ֆրանսիա չէր կրցեր ուտել: (Ատամներու առաջին շարքը շինովի էր):

Ճաշեն վերջ, իբրև ժամանց, խառնեցին Ֆրանսիո արխիվը: Ինչե՛ր չկային հոն կուտակված. իր հիշատակարանը, Պիսմարկին նամակները, Գերմանիո վերջին պարտամուրհակը, սիրային ոտանավոր մը Ռումանիո թագուհուն նվիրված, որուն կսիրեր ատեն մը: Անգլիո գրած իր մեկ նամակի մեջ Ֆրանսիա կըսեր. “Գերմանիո հաղթեցի, այ՛ն, բայց սա ի՞նչ վախ է մտեր մեջս. գիշերները երագիս կուգա որպէս թե չեմ հաղթած տակավին, ու մինչև չեմ գարթներ, իր տված պարտամուրհակը չեմ կարդար՝ սիրտս չի հանգստանար: Ամերիկա օրական չորս անգամ ծառան կղրկե՛ թե աղաս կըսե պարտքդ տուր, կարծես փախանք: Ես ալ դոնապանիս պատվիրել եմ ըսել (ինձ համար) տունը չէ: Անգլիա՛, աշխարհը ինձի-քեզի մնաց. պարզե ոտներդ ուր որ կուգես: Ան չէ, գլխո՞ւ ես ինտոր ճապոնը Սիբերիան պատառ-պատառ կուլ կուտա: Դեսպանը ինձի հայտնեց՝ ըսի վնաս չկա: Դուն ալ ձայն մի հաներ”:

Ապրիլի 11 թվակիր նամակին մեջ, Անգլիա ի վերջո այլոց կըսե. “Փոքր ազգերը շատ կարևոր գործոն են: Անոնք կոյուրացնեն մեծ ազգերու գործը:

Պատկերավոր խոսելով, անոնք կլավիշներն են դաշնամուրին, որք ինչքան շատ ըլլան, այնքան եվրոպական կոնցերտը ներդաշնակ դուրս կուգա: Փոքր ազգ կա, որ երկու հատվածե կբաղկանա, օրինակ Հայաստանը: Ատիկա ևս առավել լավ. կիսվար ու կիսվերը կկազմեն երաժշտության մեջ: Ի՞նչ երկարեմ, սիրելի

Ֆրանսիա, մանր ազգ՝ մանր ստակ ըսել է մեծ պետությանց ձեռքին: Բարևիր տիկնոջդ, մեր կացինը ձեր տա՞նն է...”:

Երկրորդ նամակի մը մեջ Անգլիան կըսե. “Ֆրանսիա, ծառաներուս մեջ ինչ-որ փափսուկ կա, գիշերը ծառաներես մեկը քնո մեջ տվա՛վ Սովետական Ռուսիո անունը: Ի սեր Աստուծո, հսկե ծառաներուդ”:

Ֆրանսիա ասոր պատասխաններ էր.

“Ի՞նչ ընեմ... ես որ քեզի կըսեմ եկուր սա Ռուսաստանին հետ խիստ վարվենք՝ չես լսեր: Այո, ես ալ իմոնց մեջ եմ նկատեր. ավելի խիստ. խոհարարը կերակուրը հում կդնե առաջիս, սպասուհիս բութ դանակ կառաջարկե, որը ինչպես գիտես գինաթափություն ըսել է. պատրաստվող հեղափոխության փաստեր շատ ունիմ. օր մը անցիր մեզ մոտ կխոսենք: Բարևներս տիկնոջդ: Ձեր կացինը մեր տունը չէ”:

Կարդալով սա նամակները, Եվրոպիո սպասավորները առաջին անգամ իմացան, որ տերերն ալ իրենցմե կվախնան եղեր: Ֆրանսիո խոհարարը որոշեց պղպեղին քանակը օր-օրին շատցնել կերակուրին մեջ: Փորթուգալիո սպասուհին վճռեց ալ համբույր չտալ իր տիրոջ: Վերջեն պատուհաններուն վարագույրը թողին ու ժողովի նստան, ավելի կարևոր որոշումներ տալու:

Երբ Փարիզի փողոցներուն մեջ լսվեց Ֆրանսիո խոպոտ հազը, ժողովականները լամպը մարեցին ու իրենց տները քաշվեցան: Անգլիան ժամե մը ավելի իր գոց դռան վրա նստած Սաբեթին կսպասեր: Սաբեթն ըսավ, որ գացեր էր Ֆրանսիա՝ Ժաննային մազերը հարդարելու: Անգլիան շխոսեց, բայց գիտեր, որ Ժաննան մազերը խուզած կպտտի ու հարդարելիք մազ չունի...

Գիշերը Ժաննան պառկեցավ ու այս երազը տեսավ:

Երագին՝ աշխարհը փոխվել էր. գենք ու գորք գոյություն չունեի, տեր ու ծառա չկար: Պետություններն իրենց սահմանները կրունկի վրա բաց ձգած քներ էին. միայն պզտիկ ցանկապատ մըն էին գարկեր, որ դրացի հավերը չմտնեն ներս կեղտոտեն: Ռուսաստանն ու Ֆրանսիան Գերմանիո իրենց մեջտեղը

պատկեցուցած կիստտեին: Գերմանիան ծաղրե թուլացած՝ աջ կդառնար “դե’, Ֆրանսիա” կըսեր. ձախ կդառնար “դե’, Ռուսիա” կըսեր: Պզտիկ Չվիցերիան վերմակի տակեն կմտներ, կուգար Ֆինլանդիո ոտները կկսմթեր կփախներ: Բոլորի ուրախությունը Իսպանիո վրա էր. առտունները ամենեն ուշը կելներ՝ ալ ոտնեն քաշել, ալ պելներ խանձել, տակը հավկիթ շարել... Ահա Վարդավառ է, բոլորը Անգլիա կերթան: Ռուսիա ջուրեն կգզվի, փեշերեն բռնած բռնի ջուրը կքաշեն ու դուրս կբերեն մինչև մորուքը տուգ-մուգ: Չվիցերիա վերջնագիր էր ուղղեր համայն Եվրոպիո, որով կսպառնար գորահավաք հայտարարել, եթե կիրակի ժամը չորսին չի գան իր մոտ կաթ խմելու: Ավստրիա կարդալով վերջնագիրը, գիրկն առավ Չվիցերիո ու թուշը կսմթեց:

-Օո պուլո՛ւզ,-ըսավ,-տեղ ունե՞ս, որ այդքան մարդ կկանչես:

Պետությունները հանաքով կդառնային Հայաստանին.

-Հ՛ը, Հայաստան, անկախություն չե՞ս ուզեր:

Հայաստանը ամոթեն կմտներ Ռուսիո փեշին տակ:

-Է, ինչո՞ւ կխնդաք, ան ասեն ամենքը կուզեին, ես ալ կուզեի, - ըսելով:

Երկնքի բնակիչները տեսան այս կյանքը վերեն: Արդարները արքայության պատուհաններեն գլուխնին հանած՝ նախանձով վար կնայեին: Սկսվեց դիմումներ տեղալ Աստծու գլխուն՝ թե թույլ տուր իջնենք նորեն ապրինք: Դժոխք գացող ալ չկար: Աստված տարակուսած՝ դիմողներուն արտոնեց վար գալու՝ ըսելով.

-Գացեք, շատ կարելի է ես ալ գամ երկիրը ապրելու. ձանձրալի է հոս:

Այս երազը տեսավ Ժաննան այն գիշեր:

Կուզեի՞ք, որ Ժաննան հավիտյանս չզարթներ...

1922թ.